



OFFICIA PROPRIA

Passionis D. N. Jesu Christi.

FERIA SEXTA
POST DOMINICAM PRIMAM
QUADRAGESIMAE.

In Festo SS. Lanceae et
Clavorum Domini Nostri
Jesu Christi. Duplex.
Pro Clero Urbis, et alibi.

AD VESPERAS.

Añā. Unus militum, cum
reliquis de Laudibus. 79.
Psalmus. Dixit Dominus,
cum reliquis. 1.

Capitulum. 1. Joann. v.



ARRISSIMI :
Quis est qui
vincit mun-
dum, nisi qui
credit quon-
iam Jesus
est Filius Dei? Hic est qui
venit per aquam et sanguin-
em, Jesus Christus, non
in aqua solum, sed in aqua
et sanguine.

Hymnus.

QUA ENAM lingua
tibi, o Lancea, de-
bitas

Grates pro merito est apta
rependere?

Christi vivificum namque
aperis latus,

Unde Ecclesia nascitur.

Haec est Heva viri de
latere exiens,

Olli membra gravis dum
sopor occupat;

Hanc quippe alter Adam,
corde scatentibus

Unda, et sanguine pro-
creat.

O Clavi! aequa manet
vos quoque gratia,

Christi quando sacris artu-
bus insiti,

Delatum Domini sanguine
figitis.

Mortis chirographum Cruci.
Te, Jesu, Superi laudi-
bus efferant,

Qui Clavorum aditus, si-
gnaque Lanceae
In coelo retines, vivus ubi
imperas,

Cum Patre, atque Para-
clito. Amen.

V. Foderunt manus meas
et pedes meos. R. Dinume-
raverunt omnia ossa mea.

Ad Magnif. Añā. Delens
quod adversus nos erat chi-
rographum decreti, quod
erat contrarium nobis, et
ipsum tulit de medio, affi-
gens illud Cruci.

Oratio.

DEUS, qui in assum-
ptae carnis infirmi-
tate, clavis affigi et lancea
vulnerari pro mundi salute
voluisti: concede propitius;
ut qui eorundem clavorum
et lanceae solennia vene-
ramur in terris, de glorioso
victoriae tuae triumpho gra-
tulémur in coelis: Qui vivis
et regnas cum Deo Patre.

Deinde fit Commi. Feriae.

Añā. O mulier, magna est
fides tua: fiat tibi, sicut pe-
tisti.

V. Angelis suis Deus
mandavit de te. R. Ut cu-
stodiant te in omnibus viis
tuis.

Oratio.

DA, quaesumus Dñe,
populis Christianis,
et quae profitentur agnō-
scere: et coelēste munus
diligere, quod frequentant.
Per Dominum.

Ad Completorium et per
Horas diei in fine Hymno-
rum dicitur

C. clavis forato, et Lancea,
Jesu, tibi sit gloria,
Cum Patre, et almo Spiritu,
Nunc, et per omne saeculum.
Amen.

AD MATUTINUM.

Invitat. Christum Lan-
cea, et Clavis vulneratum,*
Venite adorémus. Psalm.
Venite exultémus. 9.

Hymnus.

SALVETE Clavi, et
Lancea

Squalore nuper obsita,
Quae mersa Christi corpore,
Almo rubetis sanguine.

Vos ad scelus Judaea
Elegerat perfidia,

Sed in ministra gratiae
Vos vertit e coelo Deus.

Nam quot sacratis artu-
bus

Sculpsistis olim vulnera,
Et tot reclusis fontibus
Dona effluunt coelēstia.

C. clavis forato, et Lancea,
Jesu, tibi sit gloria,

Cum Patre, et almo Spiritu,
Nunc, et per omne saeculum.
Amen.

Si omissus sit Hymnus
ad Vesperas dicatur ad
Matutinum, et Hymnus
Matutini jungatur cum
Hymno ad Laudes.

In primo Nocturno.

Antiphona. Ad Jesum
autem cum venissent, non

fregérunt ejus crura, sed unus militum lancea latus ejus aperuit.

Psalmus i.

BEATUS vir, qui non abiit in consilio impiórum, et in via peccatórum non stetit, * et in cáthedra pestiléntiae non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non defluet : * et ómnia quaecúmque faciet, prosperabúntur.

Non sic impii, non sic : * sed tamquam pulvis, quem prójicit ventus a fácie terrae.

Ideo non resúrget impii in iudicio : * neque peccatóres in consilio justórum.

Quóniam novit Dóminus viam justórum : * et iter impiórum perbit.

Glória Patri, etc.

Añá. Ad Jesum autem cum venissent, non fregérunt ejus crura, sed unus militum lancea latus ejus aperuit.

Añá. Exiit sanguis et aqua; et qui vidit, testimónium perhibuit, et verum est testimónium ejus.

Psalmus ii.

QUARE fremuérent Gentes, * et pópuli meditáti sunt inánia?

Adstiterunt reges terrae, et principes convenérunt in unum, * advérsus Dóminum et advérsus Christum ejus.

Dirumpámus vincula eórum : * et projiciámus a nobis jugum ipsórum.

Qui hábitat in coelis, iridebit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * praedicans praecéptum ejus. Dóminus dixit ad me : * Filius meus es tu, ego hódie génuí te.

Póstula a me, et dabo tibi Gentes haereditátem tuam, * et possessionem tuam téminos terrae.

Reges eos in virga férrea, * et tamquam vas figuli confrínges eos.

Et nunc reges intelligite : * erudimini qui iudicátis terram.

Servite Dómino in timóre : * et exultáte ei cum tremóre

Apprehéndite disciplinam nequándo irascátur Dóminus, * et pereátis de via justa.

Cum exáserit in brevi ira ejus; * beáti omnes, qui confidunt in eo.

Glória Patri, etc.

Antiphona. Exiit sanguis et aqua; et qui vidit, testimónium perhibuit, et verum est testimónium ejus.

Añá. Alia scriptúra dicit : Videbunt in quem transfixerunt.

Psalmus iii.

DOMINE, quid multiplicáti sunt qui tribulant me? * multi insúrgunt advérsum me.

Multi dicunt animae meae : * Non est salus ipsi in Deo ejus.

Tu autem, Dómine, susceptórum meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurréxi, quia Dóminus suscepit me.

Non timebo millia pópuli circumdántis me : * exsúrge, Dómine, salvum me fac, Deus meus.

Quóniam tu percussisti omnes advérsantes mihi sine causa : * dentes peccatórum contrivisti.

Dómini est salus : * et super pópulum tuum benedictio tua.

Glória Patri, etc.

Añá. Alia Scriptúra dicit : Videbunt in quem transfixerunt.

V. Quem tu percussisti, persecuti sunt. *R.* Et super dolórem vúlnerum meórum addiderunt.

De Zacharía Prophéta.

Lectio i. Cap. xii.



AEC dicit Dñs : Effúdam super domum David,

et super habitatóres Jerúsalem spíritum grátiae et precum, et aspiciet ad me, quem confixerunt. Et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, sicut planctus Adadrémmon in campo Magéddon. Et planget terra, familiae et familiae seórum : familiae domus David seórum, et mulieres eórum seórum : familiae domus Nathan seórum, et mulieres eórum seórum : familiae domus Levi seórum, et mulieres eórum seórum : familiae Sémeseórum, et mulieres eórum seórum. Omnes familiae reliquae, familiae et familiae seórum, et mulieres eórum seórum.

R. Ad Jesum autem cum venissent, ut viderunt eum jam mórtuum

non fregérunt ejus crura, * Sed unus militum lancea latus ejus aperuit. **V.** Et qui vidit, testimoniúm perhibuit, et verum est testimoniúm ejus. — Sed.

Lectio ii. *Cap. xiii.*

IN die illa erit fons patens domui David, et habitantibus Jerúsalem, in ablutionem peccatoris et menstruatae. Et erit in die illa, dicit Dóminus exercituum: Dispéram nomína idolórum de terra, et non memorabúntur ultra: et pseudoprophétas, et spiritum immúndum auferam de terra. Et erit cum prophétaverit quispiam ultra, dicent ei pater ejus et mater ejus, qui genuerunt eum: Non vives, quia mendácium locúsus es in nómine Dñi, et configent eum pater ejus et mater ejus, genitóres ejus, cum prophétaverit. Et erit: In die illa confundéntur prophétae, unusquisque ex visione sua cum prophétaverit; nec operiéntur pállio sáccino, ut mentiántur; sed dicet: Non sum prophéta; homo agricola ego sum, quóniam Adam exéplum meum ab adolescéntia mea.

R. Unus militum lancea latus ejus aperuit, * Et continuo exívit sanguis et aqua. **V.** In die illa erit fons patens domui David, et habitantibus Jerúsalem. — Et.

Lectio iii.

ET dicétur ei: Quid sunt plagae istae in medio mánuum tuárum? Et dicet: His plagátus sum in domo eórum qui diligébant me. Frámea, suscitáre super pastórem meum, et super virum cohaeréntem mihi, dicít Dóminus exercituum: pércute pastórem, et dispergéntur oves, et convértam manum meam ad párvulos. Et erunt in omni terra, dicít Dóminus: partes duae in ea dispergéntur, et deficient; et tértia pars relinquetúr in ea. Et ducam tértiam partem per ignem, et uram eos sicut úritur argéntum, et probábo eos sicut probátur aurum. Ipse vocábit nomen meum, et ego exáudiam eum. Dicam: Pópulus meus es; et ipse dicet: Dóminus Deus meus.

R. In die illa erit fons patens domui David, et habitantibus Jerúsalem, * In ablutionem peccatoris et menstruatae. **V.** Hic est qui venit per aquam et sanguinem, Jesus Christus. — In ablutionem. **G**loria Patri. In ablutionem.

In secundo Nocturno.

Añ. Adspicient ad me, quem confixerunt; et plangent eum planctu quasi super unigénitum.

Psalmus iv.

QUM invocárem, exaudivit me Deus justitiae meae: * in tribulatione dilatásti mihi.

Miserere mei, * et exáudi orationem meam.

Filii hóminum úsquequo gravi corde! * ut quid diligitis vanitátem, et quaeritis mendácium?

Et scitote quóniam mirificávit Dóminus sanctum suum: * Dóminus exáudiet me cum clamávero ad eum.

Irascimini, et nolite peccáre: * quae dicitis in cordibus vestris, in cubilibus vestris compungimini.

Sacrificáte sacrificium justitiae, et speráte in Dómino. * Multi dicunt: Quis osténdit nobis bona?

Signátum est super nos lumen vultustui, Dñe: * dedísti laetitiam in corde meo.

A fructu fruménti, vini, et olei sui * multiplicáti sunt.

In pace in idípsum * dormiam, et requiescam;

Quóniam tu, Dómine, singularíter in spe * constituísti me.

Gloria Patri, etc.

Añ. Adspicient ad me, quem confixerunt, et plangent eum planctu quasi super unigénitum.

Añ. Quid sunt plagae istae in medio mánuum tuárum.

Psalmus v.

TERBA mea áuribus pércipe, Dómine, * intéllige clamórem meum.

Inténde voci oratiónis meae, * Rex meus et Deus meus.

Quóniam ad te orábo: * Dómine, mane exáudies vocem meam.

Mane adstábo tibi et videbo: * quóniam non Deus volens iniquitátem tu es.

Neque habitábit juxta te malignus: * neque permánébunt injústi ante óculos tuos.

Odisti omnes, qui operántur iniquitátem: * perdes omnes, qui loquúntur mendácium.

Virum sanguínum et dolósum abominábitur Dóminus: * ego autem in multítudine misericórdiae tuae.

Introibo in domum tuam: * adorábo ad templum sanctum tuum in timóre tuo.

Dómine, deduc me in justitia tua: * propter inimicos meos dirige in conspéctu tuo viam meam.

Quóniam non est in ore eórum veritas: * cor eórum vanum est.

Septilchrum patens est guttur eórum, linguis suis dolóse agébant, * júdica illos Deus.

Décidant a cogitátiónis suis, secúndum multítudiné

impietatum eorum expelle eos: * quoniam irritaverunt te, Domine.

Et laetentur omnes, qui sperant in te, * in aeternum exsultabunt: et habitabis in eis.

Et gloriabuntur in te omnes, qui diligunt nomen tuum: * quoniam tu benedices justo.

Domine, ut scuto bonae voluntatis tuae * coronasti nos.

Glória Patri, etc.

Añ. Quid sunt plagae istae in medio manuum tuarum?

Añ. His plagatus sum in domo eorum qui diligebant me.

Psalmus viii.

DOMINE Dominus noster * quam admirabile est nomen tuum in universa terra!

Quoniam elevata est magnificentia tua, * super coelos.

Ex ore infantium et lactentium perfecisti laudem propter inimicos tuos, * ut destruas inimicum et ultorem.

Quoniam videbo coelos tuos, opera digitorum tuorum: * lunam et stellas, quae tu fundasti.

Quid est homo quod memor es ejus? * aut filius hominis, quoniam visitas eum?

Minuisti eum paulo minus ab Angelis, gloria et honore coronasti eum: * et constituisti eum super opera manuum tuarum.

Omnia subiecisti sub pedibus ejus, * oves et boves universas: insuper et pecora campi.

Volucres coeli, et pisces maris, * qui perambulant semitas maris.

Domine Dominus noster, * quam admirabile est nomen tuum in universa terra!

Glória Patri, etc.

Añ. His plagatus sum in domo eorum qui diligebant me.

V. Ipse vulneratus est propter iniquitates nostras.

R. Attritus est propter scelera nostra.

Sermo Innocentii Papae sexti.

In decreto de Festo Lanceae et Clavorum Domini.

Lectio v.

N Redemptoris nostri Domini Jesu Christi sacratissima passione sic nos gloriarí oportet, ut ipsius passionis cuncta mysteria dinumerantes et mérita, singulis etiam salutaribus instrumentis gloriémur. Inter quae illud célebriter memorándum est, quod ipse Salvator, emisso in Cruce jam spiritu, sustinuit perforári lancea latus



sum, ut inde sanguinis et aquae profluentibus undis, formarétur única, et immaculata, ac virgo sancta mater Ecclesia sponsa sua. O beatissima ipsius sacri lateris apertura, unde nobis tot et tanta divinae pietatis dona fluxerunt! O felix lancea, quae tot bona nobis efficere, et ad tanti triumphí gloriam meruit superaddi!

R. Hic est qui venit per aquam et sanguinem, Jesus Christus, * Non in aqua solum, sed in aqua et sanguine. *V.* Tres sunt qui testimónium dant in terra, spiritus, aqua, et sanguis: et hi tres unum sunt. — Non in aqua.

Lectio vi.

NAEC latus ipsum aperiendo, sacratissimas januas nobis regni coeléstis aperuit. Haec, vulnerando jam mortuum, vulnera nostra sanavit, vitamque nobis reddidit, et salutem. Haec, innoxium transfigendo, illius sanguine culpas nostras absternit: et demum ejusdem sacratissimis undis irrigata, caecitatis nostrae tenebras sustulit, et nos ipsius divinae pietatis flúviis mundavit. Illi etiam dulces Clavi (quibus ipse Salvator eidem cruci fuit affixus, quique non solum immaculato re-

spérgi sanguine, et molem ferre tanti ponderis mererunt, sed et nos etiam per ipsorum salutaris plagas dulcedinem tantam ipsius divinae caritatis accepimus, ut manus nostrae a peccati solutae nexibus, pedesque nostri a mortis laqueis fuerint liberati) sunt devotissime recolendi.

R. Quoniam circumderunt me canes multi: concilium malignantium obsedit me. * Foderunt manus meas, et pedes meos. *V.* Dicitur ei: Quid sunt plagae istae in medio manuum tuarum?—Foderunt.

Lectio vi.

QUID enim vulnerere, et plagis hujusmodi sanctius? Quid eis salubrius ex quibus salus nostra processit, et in quibus assidue se possunt curare animae devotorum? Licet igitur Lancea, et Clavi praedicti, aliaque ipsius Passionis salutaría instrumenta, sint a cunctis fidelibus Christi ubilibet veneranda, et de ipsa etiam passione in eadem Ecclesia solémnia annis singulis officia celebréntur et fiant, dignum tamen et convéniens reputamus, si de ipsius passionis specialibus instrumentis, et praesertim in partibus in quibus instrumenta ipsa dicuntur haberi,

solémne ac speciále festum celebrétur et fiat; nosque illos fidéles Christi, qui álqua ex instrumentis ípsius habérese gaudent, in eórum devotióne, divínis Officiis atque munéribus speciáliter foveámus.

R. Dicétur ei : Quid sunt plagae istae in médio mánuum tuárum? Et dicet : * His plagátus sum in domo eórum qui diligébant me. **V.** Nisi vídero in máribus ejus fixúram clavórum, non credam. — His plagátus. Glória Patri. His plagátus.

In tertio Nocturno.

Añã. Foderunt manus meas, et pedes meos : dinumeraverunt ómnia ossa mea.

Psalms xcv.



CANTATE Dómino cánticum novum : * cantáte Dño omnis terra.

Cantáte Dño, et benedicite nómini ejus : * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii Génitium daemónia : * Dóminus autem coelos fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférite Dómino pátriae Génitium, afférite Dño glóriam et honórem : * afférite Dño glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dícite in Génitibus quia Dóminus regnávít.

Etenim corréxit orbem terrae qui non commovébatur : * judicábit pópulos in aequitáte.

Laeténtur coeli, et exsúlte terra, commovéatur mare, et plenitúdo ejus : * gaudebunt campi, et ómnia quae in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terrae in aequitáte, * et pópulos in veritáte sua.

Glória Patri, etc.

Añã. Foderunt manus meas, et pedes meos : dinumeraverunt ómnia ossa mea.

Añã. Nisi vídero in máribus ejus fixúram clavórum, et mittam dígitum meum in locum clavórum, et mittam manum meam in latus ejus, non credam.

Psalms xevi.

DOMINUS regnávít, exsúlte terra : * laeténtur insulae multae.

Nubes, et cáligo in circúitu ejus : * justitia, et júdicium corréctio sedis ejus.

Ignis ante ipsum praecedet, * et inflammábit in circúitu inimicos ejus.

Illuxerunt fúlgura ejus orbi terrae : * vidit, et commóta est terra.

Montes, sicut cera fluxerunt a fácie Dómini : * a fácie Dómini omnis terra.

Annuntiáverunt coeli justitiam ejus : * et vidérunt omnes pópuli glóriam ejus.

Confundántur omnes, qui adoránt sculptíllia : * et qui gloriántur in simulácris suis.

Adoráte eum omnes Angeli ejus : * audivit et laetáta est Sion.

Et exsultáverunt filiae Judae, * propter júdicia tua, Dómine :

Quóniam tu Dóminus altíssimus super omnem terram : * nimis exaltátus es super omnes deos.

Qui dilígitis Dóminum, odíte malum : * custódit Dóminus ánimas sanctórum suórum, de manu peccatóris liberávit eos.

Lux orta est justo, * et rectis corde laetitia.

Laetámmini justí in Dómino : * et confitémini memóriae sanctificatiónis ejus.

Glória Patri, etc.

Añã. Nisi vídero in máribus ejus fixúram clavórum, et mittam dígitum meum in locum clavórum, et mittam manum meam in latus ejus, non credam.

Añã. Infer dígitum tuum huc, et vide manus meas, et affer manum tuam, et mitte in latus meum.

Psalms xcvii.

CANTATE Dómino cánticum novum : * quia mirabilia fecit.

Salvávit sibi dextera ejus : * et bráchium sanctum ejus.

Notum fecit Dóminus salutáre suum : * in conspéctu génitium revelávit justitiam suam.

Recordátus est misericórdiae suae, * et veritátis suae dómni Israél.

Vidérunt omnes términi terrae * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cithara, in cithara et voce psalmi : * in tubis ductíllibus, et voce tubae córnea.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dñi : * quóniam venit iudicáre terram.

Judicábit orbem terrarum in iustitia, * et pópulos in aequitate.

Glória Patri, etc.

Añá. Infer dígitum tuum huc, et vide manus meas, et affer manum tuam, et mitte in latus meum.

V. Disciplina pacis nostrae super eum. **R.** Et livóre ejus sanáti sumus.

Lectio sancti Evangelii secundum Joánnem.

Lectio vii. Cap. xix.

IN illo tempore : Sciens Jesus quia ómnia consummáta sunt, ut consummarétur Scriptúra, dixit : Sitio. Et reliqua.

Homilla sancti Augustini Episcopi.

Tract. cxx. in Joann.



MILITUM Lancea latus ejus aperuit, et continuo exivit sanguis et aqua. Vigilanti verbo Evangelista usus est, ut non diceret : Latus ejus percussit, aut vulneravit, aut quid aliud; sed aperuit : ut illud quodámodo vitae óstium panderétur, unde Sacraménta Ecclesiae manavérunt, sine quibus ad vitam, quae vera vita est, non intráret. Ille sanguis, qui fusus est, in remissió-

nem fusus est peccatorum. Aqua illa salutáre temperat poculum; haec et lavárum praestat, et potum. Hoc praenuntiábat, quod Noé in latere Arcae óstium fácere jussus est, quo intrárent animalia, quae non erant dilúvio perítura, quibus figurabátur Ecclesia.

R. Facta sunt haec, ut Scriptúra implerétur, Os non comminuétis ex eo. Et iterum alia Scriptúra dicit : * Vidébunt in quem transfixerunt. **V.** Effúndam super domum David, et super habitatóres Jerusalem spíritum grátiae, et precum. — Vidébunt.

Lectio viii.

PROPTER hoc prima mulier facta est de latere viri dormientis, et appellata est vita, materque vivorum; magnum quippe significávit bonum ante magnum praevaricatiónis malum. Hic secundus Adam, inclináto capite, in cruce dormívit, ut inde formarétur ei conjux, quae de latere dormientis effluxit. O mors, unde mórtui reviviscunt! Quid isto sanguine mún-dius? Quid vulnere isto salúbrius? Facta sunt enim haec, inquit, ut Scriptúra implerétur : Os non comminuétis ex eo. Et iterum alia Scriptúra dicit : Vidébunt in quem transfixerunt.

R. Effúdam super domum David, et super habitatóres Jerusalem spíritum grátiae, et precum. * Et adspiciant ad me, quem confixerunt. **V.** Et plangent eum planctu quasi super unigénitum. — Et adspiciant. Glória Patri. Et adspiciant. **V.** Jube, domne, benedícere. **Bened.** Per evangélica dicta.

Lectio nona de Homilia Feriae occurrentis.

Lectio sancti Evangelii secundum Joánnem.

Lectio ix. Cap. v.

IN illo tempore : Erat dies festus Judaeorum: et ascendit Jesus Jerosólymam. Et reliqua.

Homilla sancti Augustini Episcopi.

Tract. xvii. in Joannem, post initium.



IDEAMUS quid volúerit significáre in illo uno, quem étiam ipse servans unitátis mystérium, de tot languéntibus unum sanáre dignátus est. Invénit in annis ejus número quemdam languóris. Triginta et octo annos habebat in infirmitate. Hic número quómodo magis ad languórem pertineat, quam ad sanitátem, paulo diligéntius exponéndum est. Inténtos vos volo : áderit Dóminus, ut congrue loquar,

et sufficiénte audiatís. Quadragenárius número sacráti nobis in quodam perfectióne commendátur : notum esse árbitor charitati vestrae : testántur saepíssime divínae Scriptúrae : jejúnium hoc número consecrátum esse, bene nostis. Nam et Móyses quadraginta diebus jejunávit, et Elias totídeme : et ipse Dóminus noster et Salvátor Jesus Christus hunc jejúnii número implévit. Per Móysen significátur Lex, per Eliam significántur Prophétae, per Dóminum significátur Evangélium. Ideo in illo monte res apparuerunt, ubi se discipulis osténdit in claritate vultus et vestis suae : apparuit enim médius inter Móysen et Eliam, tamquam Evangélium testimoniúm habéret a Lege et Prophétis.

Te Deum laudámus. 21.

AD LAUDES,

et per Horas, Añae.

1. Unus militum * Lancea latus ejus aperuit, et continuo exivit sanguis et aqua. **Psalm.** Dóminus regnávit. **cum reliquis. 22.**

2. Foderunt manus meas et pedes meos; dinumeravérunt ómnia ossa mea.

3. Tres sunt * qui testimoniúm dant in terra, spíritus, aqua, et sanguis : et hi tres unum sunt.

4. Quid turbati estis, et cogitationes ascendunt in corda vestra? Videte manus meas et pedes meos, quia ego ipse sum.

5. Infer digitum * tuum huc, et vide manus meas, et affer manum tuam, et mitte in latus meum.

Capitulum. i. Joann. v.

CARISSIMI: Quis est qui vincit mundum, nisi qui credit quoniam Jesus est Filius Dei? Hic est qui venit per aquam et sanguinem Jesus Christus, non in aqua solum, sed in aqua et sanguine.

Hymnus.

TINCTAM ergo Christi sanguine
Convertite in me cuspide,
Ferte cor, pedes, manus,
Poenam a nocente sumite.

At, quaeso, culpis debitas

Quas jure plagas figitis,
Crucore divino sillitae
Fiant medela spiritus.

Sit gressus ad malum impotens,

Manus nocere desinant,
Omnisque corde e saucio
Profanus ardor exeat.

Clavis forato et Lancea,
Jesu, tibi sit gloria,
Cum Patre et almo Spiritu,
Nunc et per omne saeculum.
Amen.

Y. Foderunt manus meas
et pedes meos. R. Dinumeraverunt omnia ossa mea.

Ad Benedictus, Antiphona. Inglorius erit inter viros adspetus ejus, et forma ejus inter filios hominum. Iste asperget gentes multas.

Oratio.

DEUS, qui in assumptione carnis infirmitate Clavis affigi, et Lancea vulnerari pro mundi salute voluisti: concede propitius, ut qui eorundem clavorum et lanceae solennia veneramur in terris, de glorioso victoriae tuae triumpho gratulemur in coelis: Qui vivis.

Et fit Commemoratio Ferie.

Aña. Angelus Domini descendebat de coelo, et movebatur aqua, et sanabatur unus.

Y. Angelis suis Deus mandavit de te. R. Ut custodiant te in omnibus viis tuis.

Oratio.

ESTO, Domine, propitius plebi tuae: et quam tibi facis esse devotam, benigno refove miseratus auxilio. Per Domini nostrum.

Ad Primam, in R. br.,
Y. Qui vulneratus es pro nobis.

AD TERTIAM.

Aña. Foderunt.

Capitulum. Carissimi. ut supra.

R. br. Foderunt manus meas* Et pedes meos. Foderunt. Y. Dinumeraverunt omnia ossa mea. Et pedes. Gloria Patri. Foderunt.

Y. Quem tu percussisti, persecuti sunt. R. Et super dolorem vulnerum meorum addiderunt.

AD SEXTAM.

Aña. Tres sunt.

Capitulum. i. Petr. ii.

FRATRES: Christus passus est pro nobis, vobis relinquens exemplum, ut sequamini vestigia ejus. Qui peccatum non fecit, nec inventus est dolus in ore ejus.

R. br. Quem tu percussisti* Persecuti sunt. Quem. Y. Et super dolorem vulnerum meorum addiderunt. Persecuti. Gloria. Quem.

Y. Ipse vulneratus est propter iniquitates nostras. R. Attritus est propter scelera nostra.

AD NONAM.

Aña. Infer digitum.

Capitulum. i. Petr. ii. d.

QUI peccata nostra ipse pertulit in corpore suo super lignum, ut peccatis mortui justitiae vivamus: cujus livore sanati estis.

R. br. Ipse vulneratus est* Propter iniquitates nostras. Ipse. Y. Attritus est propter scelera nostra. Propter. Gloria Patri. Ipse.

Y. Disciplina pacis nostrae super eum. R. Cujus livore sanati sumus.

IN II. VESPERIS.

Omnia ut in primis; et loco ultimi, Psalmus. Credidi. 38.

Ad Magnif. Aña. Vere languores nostros ipse tulit, et dolores nostros ipse portavit: et nos putavimus eum quasi leprosum, et percussum a Deo, et humiliatum.

Oratio. Deus qui in assumptione, ut supra.

Pro Commemor. Ferie.

Aña. Qui me sanum fecit, ille mihi praecepit: Tolle grabatum tuum, et ambula in pace.

Y. Angelis suis Deus mandavit de te. R. Ut custodiant te in omnibus viis tuis.

Oratio.

EXAUDI nos, misericors Deus: et mentibus nostris gratiae tuae lumen ostende. Per Dñm.

FERIA VI.

POST DOM. II. QUADRAG.

In Festo Sacratissimae Sindonis D. N. J. C. Duplex.
Pro Clero Urbis, et alibi.

AD VESPERAS.

Aña. Joseph nobilis decurio. cum reliquis de Laudibus. Psalm. Dixit Dominus. cum reliquis. 1.